

光緒江西通志

江西通志卷一百六十八

列傳三十五

贛州府

晉

朱鎮字世安贛人太康中郡辟主簿不就安貧終身

林

陳方期字長年雩都人執親喪以孝稱太康中辟功曹假寐中若有人云無益存亡願擇出處方期瞿然終身

不仕

謝志

宋

鄧德明郡人元嘉末就豫章雷次宗學與韋遙等以博洽聞嘗作南康記一郡山川奇蹟表識爲多足稱文獻

人物志

唐 南唐附

鍾紹京虔州贛人嗜書畫家藏義獻真蹟至數百卷以善書直鳳閣署諸宮殿明堂皆其筆也景龍中爲宮苑總監以平韋氏難拜中書侍郎進中書令越國公睿宗時改戶部尚書出爲彭州刺史元宗初復拜戶部尚書改太子詹事再貶懷恩尉累遷少詹事年踰八十卒

書

唐新唐書

賴槩字忱父雩都人乾元進士甲科授崇文館校書郎不就退居山里大厯初李景暘作邑謂耆舊曰龐統里號冠蓋鄭元問稱通德槩方古人夫復何愧即其所居號祕書坊又爲祕書樓表之

豫章書

謝俊字朝英贛人力耕養親親歿負土築墳廬其側猛獸馴伏永泰元年詔旌其門又雩都羅遜父喪廬墓余

孝生割股愈父疾俱稱孝子

安志

馮祥興雩都人與二弟皆武勇尚義唐廣明間黃巢陷長安傾資募兵勤王二弟沒於陣祥興累功爲將軍詔遣歸圖盧光稠及境光稠陰遣人刺殺之投屍羅溪數月不流因旱遺骸露猶有生氣土人神之葬溪南復爲

立祠

人物志

衷愉字叔和本姓哀仕南唐賜姓衷歷官監察御史禮部尚書李氏降宋愉恥事二姓棄官歸隱於東陽巖黃冠野服終身不出

豫章書

宋

王奇字漢謀贛縣人少爲縣掾史縣令偶題屏障畫雁云隻隻銜蘆背曉霜盡隨鷺鷥立寒塘奇密續云曉來

漁棹驚飛去書破遙天字一行令奇之因勸之學後游京師有聲場屋閒居李沆客舍李薨於位真宗臨奠見屏閒秋興詩雁聲不到歌樓上秋色偏欺客路中宿寺夢回荷葉雨渡江衣冷荻花風問爲誰作左右以奇對召對稱旨特許殿試既登科有謝詩曰不拜春官爲座主親逢天子作門生官至殿中侍御史

人物志

陳炳字晦之嶺縣人有志聖賢不求聞達結廬崆峒山中躬耕樂道勤於著述包孝肅拯知端州時過虔師事之

人物志

盧世豪贛縣人天聖中母歿廬墓徙土爲墳廬中泉湧一虎爲守視有巨蛇入墳俄震死縣令陳廷揭其事於

石

明一統志 謹案世豪原稱盧光弼五世孫其事與安志所載上猶盧世亮同似係一人今姑兩存之

劉鈞字子平贛縣人天聖進士調洪州司理讞獄詳平刑無冤滯性恬素不急榮進郡守余靖每爲下榻敬禮之

人物志

劉炳字韜仲贛縣人慶厯進士弟景維皇祐進士俱爲郎唐介以彈外戚及宰執貶英州朝士以餞贈爲諱炳兄弟與梅堯臣李師中賦詩以贈因得罪免官人高其義景維子敏材爲廣東提點刑獄亦以廉稱

人物志

王鴻字翼道雩都人工隸篆善八分書皇祐中以鄉舉游太學再薦省試第一因失韻被黜鴻歸擇邑治之南四十里泉石清勝築室隱焉目其山曰崑山巖曰需巖從學者百餘人周茂叔俸郡時以書幣聘掌郡校不就肥遯四十餘年嘗注太元經今不存

人物志

朱申字維宣雋都人皇祐間有聲太學尤好談兵以憂歸創青雲閣讀書其中所交皆當世知名士已而居京師十餘年偃蹇不遇桂帥憐其才用邊勞奏補攝尉龍平期年而罷居家極貧著邊防兵論百餘篇時不能用

人物志

黃炎字晦之雋都人弱冠登甲科試雁門令新法坐罪罷平生清介與孔平仲孫立節曾鞏厚善嘗著安邦論未竟有旨差充四川廉訪使復任朝散郎通判湖州林鍾棐字子翼贛縣人博學篤行爲歐陽修尹洙余靖曾鞏所知然卒不遇隱於田閒蘇洵南遊至虔棐與弟槩從之遊洵不飲酒每爲設醴餽智高叛嶺南聲搖江右郡守曹觀欲籍民財爲戰守備謀於棐棐曰智高必不

能過嶺無事而籍民民懼且走矣觀曰如緩急何棐曰
同舟遇風胡越可使爲左右手況吾民乎不幸而有急
則官與民爲一家孰非吾財者何以籍爲觀悟而止蘇
軾自南海還訪棐已歿見其三子相持而泣作哀詞誄

之

府志

曾準字子中贛縣人刻勵經史百家悉手鈔口誦登嘉
祐進士調武功簿攝理獄事抗論不撓知公安縣火燔
民居叩天反風通判臨江慎刑獄芝草生園扉或勸以
獻曰此偶然耳子弼林開幾皆爲名臣

府志

李潛字君行興國人治平進士調洪州司理遷太常博士
定皇太妃儀制執父喪足不入私室起復知蘄州初
如京留泗上其子弟請先往欲貫開封戶籍應舉潛曰

求事君而先欺君乎甯遲數年可也嘗知新淦時鹽法
方行望風旨者多峻急民間破產十居六七潛獨下令
從民便歷官開封尹中書令卒贈開府儀同三司諡文

簡三子朴格楫繼登進士弟渾暨渾子存皆有時望

府志

郭峻字次山雩都人熙甯進士調南豐尉時夏侯偁爲
令訟盈庭未決會提刑毛抗至偁急付峻代爲訊斷峻
呼囚數十至庭下片言折之皆伏薦於朝授祕書省校
書郎令崇仁轉著作郎知南城及洪州時江西最苦鹽
法苛急峻從容不忍病民元豐中僉樞密院事卒官孫

志康誌其基

府志

鍾仙字少游龍南人紹京之後八歲能屬文元豐進士
釋褐補韶州司理參軍任滿轉瀛州防禦推官復知潯

州建學造士學者多自遠方至經略使熊伯通以國士
遇之移蘇州改授廣州軍節度推官尋知陽山考課爲
天下第一士大夫號爲霹靂手自廣移節成都時安化
蠻叛以仙諳練邊事除廣西轉運使乘傳之官與軍帥
籌畫奏罷滇州及延德軍未幾進師蠻解圍來降邊圉
以甯進龍圖閣學士兼本路安撫管勾經略使以疾致
仕有文集十五卷奏議三卷

人物志

陽孝本字行先虔州贛人學博行高隱於城西通天巖
蘇頌蒲宗孟皆以山林特起薦之蘇軾自海外歸過而
愛焉號之曰玉巖居士嘗直造其室知其不娶戲以爲
元德秀之流孝本自言爲陽城之裔故軾詩有云眾謂
元德秀自稱陽道州隱遯二十年一時名士多從之遊

崇甯中舉八行解褐爲國子錄轉博士以直祕閣歸卒

年八十四

宋史謝志舊案楊龜山有代虔守薦陽孝本狀稱許備至林志失實白志據史訂正

李朴字先之虔之興國人紹聖進士調臨江司法參軍移西京國子監教授程頤獨許之移虔州教授以嘗言隆祐太后不當廢處瑤華宮有詔推鞠忌者欲擠之死使人危言動之朴泰然無懼色旋追官勒停會赦注汀州司戶徽宗卽位右司諫陳瓘薦朴有旨召對首言熙甯元豐以來政體屢變一二十大臣互相排擊失今不治至不可勝救又言今士大夫之學不求諸己而惟王氏是聽敗壞心術莫大於此蔡京惡之復出爲虔州教授又嗾言者論朴學術不正不當預師儒罷爲四會令改知清江欽宗卽位半歲凡五遷至國子祭酒高宗初除

祕書監趣召未至卒贈寶文閣待制自志其墓曰以天爲心以道爲體以時爲用其可已矣所著有章貢集二十卷

宋史

曾楙字叔夏贛縣人華次子元符進士紹興中知福州拒僞楚命表高宗勸進扈從隆祐太后至虔軍民騷亂賴以撫定累官吏部尚書著有內外制東宮日記

林志

尹天民字先覺會昌人由太學博士出知果州相如縣時王黼得政黼舊在太學乃天民所隸齋生也有勸天民往謁者天民笑曰見王丞相豈不得好官但恐爲地下顏閔所笑後除侍講不就

豫章書

曾開字天游贛縣人準子崇甯進士累遷國子司業起居舍人權中書舍人草制多所論駁忤時相意左遷監

大甯鹽井建炎初復知潭州再知平江府廣東安撫使
復以中書舍人召進寶文閣待制知鎮江府兼沿江安
撫使召爲刑部侍郎遷禮部時秦檜主和議閱當草國
書檜慰以溫言曰主上虛執政以待開曰所爭在義苟
爲非義高爵厚祿弗願也願聞所以事敵之禮檜曰若
高麗之於本朝耳開曰主上以聖德登大位民臣之所
推戴列聖之所聽聞奈何自卑辱至此非開所敢聞也
又引古誼折之檜怒曰侍郎知故事檜獨不知耶他日
又至政事堂問計安出檜曰聖意已定尚何言公自取
大名而去檜第欲濟國事耳時詔侍從臺諫集議開上
疏謂當修德立政嚴於爲備檜曰此事大係安危開曰
今日不當說安危只當論存亡會胡銓上封事詆檜亟

稱開由是罷以寶文閣待制出知婺州尋提舉太平觀
知徽州以病免閒居十餘年卒年七十一檜死始復待
制致仕開嘗從游酢學與劉安世交故臨大節而不可
奪如此

宋史

曾幾字吉甫其先贛州人徙河南府兄弼提舉京西南
路學士按部溺死無後特命幾將仕郎試吏部賜上舍
出身擢國子正除校書郎林靈素得幸作符書號神霄
錄朝士爭趨之幾與李綱傅崧卿皆不往視久之爲應
天少尹靖康初提舉淮東茶鹽高宗卽位提舉湖北江
西提刑又改浙西會兄開爲禮部侍郎與秦檜力爭和
議檜怒開去幾亦罷逾月除廣西轉運副使徙京南路
請閒得崇道觀僑居上饒七年檜死起知台州召對以

疾辭除直祕閣歸故治未幾復召對時帝懲檜擅權之弊方開言路應詔者眾幾懼有獲罪者先事陳之帝大悅授祕書少監幾承平時已爲館職去三十八年而復至須鬢皓白衣冠偉然每會同舍多談前輩言行臺閣典章薦紳推重焉詔修神宗實訓書成權禮部侍郎兄琳開皆嘗貳春官幾復爲之人以爲榮引年請謝上曰卿氣貌不類老人姑爲朕留謝曰臣無補萬一惟進退有禮尚不負陛下拔擢上閔勞以事除集英殿修撰又三年升敷文閣待制金犯塞中外大震帝定議親征有欲遣使詣敵求緩師者幾疏言增幣請和無小益有大害爲朝廷計正當當膽枕戈專務節儉經武外一切置之如是雖北取中原可也且前日詔諸將傳檄數金君

臣如叱奴隸何辭可與之和邪帝壯之孝宗受禪幾又上疏數千言將召屢請老乃遷通奉大夫致仕擢其子逮爲浙西提刑以便養卒年八十二謚文清初佐應天時諫官劉安世亡恙學禁方厲無敢窺其門者幾獨從之談經論事又從胡安國游其學益粹爲文純正雅健詩尤工有經說二十卷文集三十卷二子逢仕至司農卿逮終敷文閣待制而逢最以學稱

宋史謝志舊案曾幾其先職人據

史傳其徙河南富非一世幾曾僑居上饒茶山寺七年未聞一至贛上也前志皆援其父子兄弟入贛州姑仍之

鍾岳字堯俞雩都人政和進士爲桂陽令任滿不赴調編修唐稷嘗曰只今文行似此翁者絕少周必大兄弟俱從游焉岳素不殖生產清貧苦節至無室廬可居

唐稷字堯弼會昌人政和進士授樞密院編修官自號

研岡居士以學行著稱著有研岡集胡銓志其墓

豫章書

王質字景文興國人善屬文游太學與九江王阮齊名

著論五十篇言歷代君臣治亂謂之朴論中紹興進士

召試館職不就張浚都督江淮辟爲屬入爲太學正忌

者共譏質年少好異論遂罷去會虞允文宣撫川陝辟

質偕行一日令草檄契丹文援毫立就允文起執其手

曰景文天下才也入爲敕令所刪定官遷樞密院編修

允文當國孝宗命擬進諫官以質鯁亮不回且文學推

重於時可右正言時中貴用事多畏憚質陰阻之出通

判荆南改吉州皆不行奉祠居山絕意祿仕

豫章書白志舊案

王質奏疏剴切明快通達國體郭青螺稱其文不下賈

誼陸贄爲豫章第一今其集世不傳所上孝宗封事一

篇反覆二千餘言載豫章書中文多不具錄謹案宋史質傳載其先爲鄆人徙興國明宏治贛州府志無王質名嘉靖志始有之謝詔撰贛州府志據文獻通考贛山集稱富川王質以富川爲湖廣興國州非贛之興國
人剛之考
國入亦復見於江西贛州府與明一統志同蓋以質與九江王既齊名故兩存之今仍依舊志

郭杞字堯章雩都人峻曾孫隆興進士爲翁源令縣闕尉寇犯境杞代尉督兵迎敵賊遂成禽提刑楊萬里奏薦改承事郎賜章服知南康縣後僉判陝州爲人剛峭家無餘貲與當時名士樓鑰黃仁傑相友善尤爲萬里所知人物志

李謙字和卿朴從孫少承家學淳熙進士爲安福縣尉累官太常寺丞提舉浙東值歲饑賑濟有方遷左司郎中再遷左司諫光甯間上封事義氣激烈趙汝愚讀之

日臺諫手也呂祖謙以直節被竄諫贈以詩因忤韓侂

冑罷歸築圃雲峯以居有文集四十卷

林志

繆瑜字珍叟龍南人淳熙進士爲進賢令有守有爲民甚德之工於詩爲人所膾炙劉後邨詩話云余筮仕江西繆瑜以詩來謁其調官一聯云有客去遊丞相宅無人來問孝廉船襟度俊逸乃爾著有崆峒集

人物志

曾集字致虛榘孫紹熙閒知南康軍事勤理庶務篤信仁賢慕高安劉渙之爲人修其墓割公田以奉祀朱子稱其爲政知所先後云

人物志

胡希章興國人嘉泰進士授起居舍人上疏言天變請黜賈似道謫荊州令後以葉夢鼎薦守建康沿江制置副使賑饑修學選將練兵以恢復中原爲己任咸淳庚

午疏請兵援襄陽不許尋以疾致仕

府志

曾松字堅伯幾從孫仕至江西帥參嘉定中寓居建陽縣東北有山曰竹原爲劉勉之舊隱處朱子問道之所也松慨想陳迹有志尚友作樂斯庵於其旁居之友人

黃榦爲之記

人物志

嚴宗字伯宗贛縣人寶慶進士爲上高主簿士人多從之遊秩滿受代漕臺以試官關留之校文寓蕭寺有富家子以五十萬醵舉者因寺僧以請宗召其人面叱之曰三歲大比公卿大夫繇此途出汝輩不潛心力學乃欲以賄得之乎縛汝詣吏恐人謂我沽名姑已之其人慚沮退卽曰白漕司乞迴避人咸服其公廉

人物志

謝陟明字彥升贛縣人學有志操家貧遭母喪停柩未

葬鄰偶失火勢且延燒陟明抱柩痛哭不忍離誓與俱

焚鄰人競來赴救乃得俱全州郡辟舉皆不就

人物志

陳子敬贛州人以賞雄鄉里嘗從文天祥遊天祥閩汀州子敬募集民兵屯阜口據下流及天祥攻贛子敬與合謀忠效甚著空坑兵敗復聚兵屯黃塘連結山砦不降元軍以重兵襲其砦砦潰子敬不知所終

府志

鍾克俊龍南人仙孫國學上舍生閩三宮北遷糾集義旅知勢不可爲登馬祖巖遙望中原悲歌賦詩有自許有身埋漢土終憐無淚哭秦廷之句遂赴龍頭江而死

人物志

元

鍾柔字元剛宋忠臣克俊之子父歿時甫一歲祖母吳

母劉挾之走南雄及長歸從鄉先達劉震游融貫經史
下筆頃刻千言閩帥廉訪交薦之署廣東雷州學正辭
歸講授從者數百人咸推尊曰一峯先生所著有諸經
纂說易詩書衍義及敝帚集

宋學士集

劉君賢雱都人以教授爲業府判王榮高其義上書薦
之君賢堅不仕所著有昌雱集

林志

孫良臣孫正臣贛縣人以文學世家良臣仕至淄萊萬
戶府經歷正臣仕至吉水州知州蔡九五攻城良臣昆
弟竭貲財募丁壯禦之甚力卒保障鄉閭泰定初召正
臣賜衣冠歸以壽終旌其門曰義門

豫章書

王竹逸蕭極初皆贛縣人力學攻詩賦自幼爲同社友
喜購先賢墨蹟當元季之亂二人閒關險阻未嘗少離

凡憂愉感遇悉見於詩名聯輝集

人物志

鍾恕字以行龍南人柔子至正鄉貢進士署濂溪書院

山長不赴篤學勵行不墜家聲

人物志

劉明德字作林贛縣人至正庚寅赴省試慷慨言時務落第感憤歸益閉戶讀書不衰廣東宣慰使與都刺薦爲雷州路儒學教授規條戒訓率先諸生善於其職授慶元路總管府經歷未幾東境盜起勢搖郡邑遂解印歸灌園爲終老計卒年僅三十九士林惜之

人物志

明

呂復字仲善興國人洪武初以文學徵爲國學典膳時修元史闕順帝三十六年事無考遣使十一人分行天下以北平乃元氏故都山東亦號重鎮命復乘驛往凡

詔令章疏拜罷奏請布在方冊者悉輯之或涉番書則譯而成文若乘輿巡幸宮中隱諱時政善否民俗歌謠以至忠孝亂賊災祥之屬罔不備載赴山東亦如之已而續成史四十八卷以功升太常典簿尋遣祭皇陵進卿坐事謫佃鳳陽未幾復原官卒

人物志

劉承直字宗弼潁縣人元至正進士歷湖州同知入明被薦召對太祖奇其才識詔卽元集慶路學爲國子學拜金華許存仁爲祭酒承直爲司業承直爲人剛正面折人過立規條以束諸生誘掖獎勵一時學者敬業樂羣多躋顯仕每朝上呼諸生試所業有通悟者輒召承直褒賞出爲浙江僉事時承元亂用法嚴重按浙三年以疾乞歸家在崆峒山陽自稱崆峒雪樵學士宋濂爲

賦

府志 白志舊案王禪崕嗣山房記稱宗弼之曾大

父蒼崖先生建精舍曰登雲集師友與子弟講學世

以文學名至宗弼益自奮元時贛人第進士者自宗弼

始云蒼崖先生名不著記中亦不署宗弼名府志作劉

承直未詳孰是

鍾磐字希仁興國人潛心經史博洽古今元泰定間教

授成都人才多所成就又教民耕種之利民感其忠立

生祠祀之明初當道交薦特遣行人趙彥可捧敕書賜

磐禮幣徵赴闕道卒

府志

曾魯山贛縣人元時舉孝廉嘗官於潮後絕意仕進明

太祖遣將略定南服過贛強起之魯山以野服見不克

辭即日就道南中聞其至率先歸款以功擢潮州守

林

呂叔素名鎮住復子事父母甚孝父歿與弟叔熙叔寅

廬墓母歿亦如之洪武乙卯奏旌

豫章書

凌吉龍南人洪武七年以文學徵爲刑部司門郎中持法明允獄無遁情已具成案即有力者弗能奪人服其

公

豫章書

唐均弼字明輔安遠人洪武初以文行受知於學士宋濂薦補本學教諭力行教化增闢學舍以居生徒士習爲之一變以老謝事歸捐俸餘置義田以惠宗族

陳復原

一作寮

本姓李雱都人洪武中由監生任廣西平

南縣主簿升本縣丞值猺寇掠鄉廂復原帥兵迎敵戰於蛇黃岡躍馬直前斬首十餘級中毒矢斃城中人力戰賊乃奔走事平立廟祀之

人物志

李旭字彥昇贛縣人永樂二年貢入太學時上欲清查賦役黃冊考選國子生三百人首推旭有才幹令總其

事以勤慎稱旨除權監察御史出按福建踰年扈從巡狩北京貴州新設省一切創始事宜遣旭勘覈已又遣督造臨清倉廩具有成績升湖廣按察使尋調山東升湖廣左布政使正統初請老以壽終

人物志

郭端字季正雋都人以貢入太學授行人選御史巡按廣東劾奏鎮守內監雷春及靖江輔國將軍所爲不法皆伏辜繼巡雲南有稱假御史者迭擾閩廣湖湘間端捕得其人於延平永樂中命按兩廣併監軍考績升山東僉事尋改交趾以黎利陷昌江總兵成山侯王通等暨端皆繫詔獄九年宥復原官卒

府志

黃閏字期餘信豐人永樂進士改翰林庶吉士聲動館閣同進者忌之在院九載左遷儀隴令吏民不敢欺號

爲鐵知縣卒於官年僅三十一所著有竹居吟藁

府志

余寬字仲仁贛縣人永樂庚子鄉薦初授金華知縣復除沙縣時因鄧茂七之亂邑遭屠燼百里盡爲榛莽寬至重建公署招集流亡鎮守刑部侍郎薛希連一切倚賴之寬亦殫思竭力爲之經理閭井粗復舊觀父子妻孥始得保聚竟以勞瘁卒官

府志

宋策贛縣人質直敦行誼教授鄉閭自號梅溪隱者宣德癸丑膺懷才抱德薦不就嘗作雪窗四友吟以自適子必明亦有父風

府志

黃德溫字伯理信豐人正統進士英廟北狩時有內侍爲王振黨者旁叱言官於監國前德溫與朝士同憤廷批殺之血浣朝衣初選考功主事起復補兵部武選抗

疏劾武臣怙勢求遷者戎政一清以事出判鎮江府掌

馬政鎮有牧地數百畝爲豪右所鬻德溫按之豪饋金

百鎰拒弗受竟復其地

分省人物考

袁端字自中雩都人景泰庚午鄉薦歷程鄉永興教諭

升順慶府教授所至嚴督課程士類興起以母老乞休

既歸孝養備至居喪毀瘠踰禮所著有適軒集

分省人物考

劉廣字若深興國人景泰閒貢授內邱知縣丁憂復除

陽山邑初無城峒寇時擾廣拓地量工版築具舉雉堞

鬼然地方賴保障巡撫都御史葉盛上其最未及錄用

而卒

分省人物考

李迪字循道興國人以鄉貢知開州修葺城池作興學

校增廣學基地二百畝有奇州人御史甘澤爲之碑在

任多歷年拯救饑荒招撫流徙事事有惠政云

人物志

王京字宗周信豐人成化進士授刑部主事升員外郎河南有妖言獄久未決司寇奏委能者京往不兩月盡得其情請從寬治升郎中出守瓊州時瓊人以訟逮繫者數百京日召四五人至庭諭以理而示以法言下卽服囹圄遂空丁父憂去任上念瓊在海外地

舊志雜二

誤海

黎特詔吏部起補舊郡瓊人聞京來老穉皆色喜旣至而生黎願爲編戶如熟黎者十餘峒亡何得疾卒

人物志

袁慶祥字德徵雩都人自幼卓越不羣成化鄉舉入太學歷事內承運庫陳五事一曰省國費以節民用二曰嚴選舉以重守令三曰修武備以防邊患四曰存公道以守國法五曰起民望以惜才能疏入逮杖幾死放回

成化戊戌登進士授瀾山令有政聲升刑部主事進員外郎會廣寇竊發廷臣以名薦升潮南韶兵備僉事既至相度機宜部署將校次第平諸賊所招降者結以恩信從征多得其力建議分增城地置龍門縣分新會地置新甯縣爲經久保障計又遷英德程鄉縣學以興起士類無何致仕歸養以老疾卒於家所著有松崖文集

人物志

陳良會昌人成化中授長泰令躬巡阡陌勸課農桑情者諭以衣食利害之原無農具種子者籍姓名補助之民愛之如父母焉

福建通志

嚴鉢字文器雩都人由鄉薦授杭州府推官三載考績囊篋蕭然時中貴專政納賄或勸稱貸以行鉢曰有貸

必儉常俸幾何非取諸民不能辦與其損民而利吾官
盍去官以無損吾民乎當道賢而交薦之轉太僕寺丞
奏減山東馬匹十之二三芻牧之民稍蘇其困升平樂

知府乞歸卒

人物志

俞溥字德洪信豐人爲陳獻章弟子清修飭行宏治閒
貢授涇府審理正憂歸不起闕館談道以倡來學疾革
猶正衣巾與學者講尊德性章端坐而沒

人物志

何春字元之零都人宏治甲子鄉薦聞王守仁之教若
有所得嘗闢觀善巖與同志之士論學其中初授詔安
令崇學校立社學均賦役再補霍山治如詔安卒於官

人物志

劉潛字孔昭贛縣人少嗜學性端方讀史讀經必整衣

蕭容正德癸酉舉於鄉令銅陵聞王守仁講學於虔乞歸受業家居十餘年郡學者多宗之

府志

袁慶麟字德彰零都人初爲諸生砢砢攻舉子業已而幡然有覺盡棄舊習師王守仁銳志聖賢之學

人物志

謝魁字文杓興國人爲諸生受學於王守仁居常以道義自飭選貢入太學司業歐陽德命二子師焉授虞城令捍禦隄水爲民利賴以不合於時改樂昌期年辭歸

人物志

管登字宏升零都人少與何廷仁黃宏綱友善爲王守仁門人勵志篤學由鄉貢授肇慶府判改廣州升岳州同知冰檠自持常祿外一介若浼

人物志

何緒字克承家會昌之白埠倚蕭帝巖爲居父卒兄纓

與其子亦早卒遺孤孫庶弟約方十歲皆撫育以至成人緒既善治生產於其父業贏數十倍弟約與其兄孫請分緒會其資爲三兄弟平受之年旣老鄉里高其行縣請鄉飲酒固謝終不肯與會昌人皆稱爲何長者云

震川集

黃宏綱字正之雩都人正德鄉舉從王守仁於虔臺守仁教法士子初至者先令高第弟子教之而後與之語宏綱列於高第守仁歸越宏綱不離者四五年守仁卒居守其冢又三年嘉靖二十三年始任爲汀州府推官升刑部主事時塞上多故將校下獄者吏率刻深以逢上意宏綱按法不輕上下以故不爲人所喜遂請致仕歸卒年七十宏綱之學再變始者持守甚堅其後以不

致纖毫之力一順自然爲主生平厚於自信而薄迎合
長於持重而短機械未嘗以色笑假人與何廷仁皆善
推演師說學者稱洛邨先生著有洛邨集及語錄行世

明史

儒學案

邱紳安遠人正德閒貢授睢寧簿值流賊劉六劉七攻
城督兵捍敵身被七槍死之事聞贈知縣蔭一子國子

生長子鳳來領鄉薦

人物志

雷濟蕭庾皆贛縣人都御史王守仁來鎮虔也知二人
素有識略置之幕下參謀平橫水桶岡三泖諸賊二人
計畫居多宸濠反守仁過豐城聞變時濟庾在側卽圖
趨還贛州起兵南風正急舟不能動守仁亟呼一小漁
船自縛印敕令濟庾持米二斗同載至新淦城下戒嚴

不得泊濟庾張黃蓋以示乃開門羅拜駐吉安詐爲兩
廣總督火牌兵部咨及各府報帖互相傳遞以撓其進
止多寫告示并招降旗號木牌等項動以千萬計以散
其黨與是時濟庾等乘黑夜衝風冒雨涉險破浪出入
賊壘萬死一生中所使行閒人役被宸濠殺死者皆其
親信家人事平之後在冊功次俱被削去未幾庾死守
仁親爲文祭之後濟謁選得四川龍州宣撫司經歷人
志

劉載永長甯人正德末年廣寇葉廷芳等作亂盤據黃
鄉勞田丹竹樓三保之地劉氏一姓被其慘禍載永時
年十三奉母避難志懷報讐至萬厯初白於府運籌設
策誘散其黨一鼓平之遂建縣治

人物志

何廷仁字性之初名秦零都人嘉靖鄉舉調選知新會縣喜曰吾雖不及白沙之門幸在其鄉敢以俗吏臨其子弟邪釋某於祠而後視事政尚簡易士民愛之遷南京工部主事分司餼真榷蕪湖稅不私一錢滿考致仕三十年卒年六十六初聞王守仁講學慨然曰吾恨不得爲白沙弟子今又可失之邪相見於南康是時師旅旁午守仁希臨講席廷仁卽與門下諸子接引來學誠意益溢學者益親已從守仁至越守仁歿後與同志會於南都諸生往來者恆數百人一時爲之語曰浙有錢王江有何黃指緒山龍溪洛邨與善山也著有善山集及語錄

明史 明儒學案 白志舊案何廷仁學者稱善山先生論學務在平實有所持循其言曰吾人須從起處發念處察識於此有得

思過半矣嘗作格物說以示來學

袁瀉字育真慶雲之孫嘉靖進士授承天司理擢御史
巡按浙直所著有羅巖集嘗取古人之書自周迄明分
類編次爲二百餘卷名曰稽古大成藏於家

謝志

余光字緝之贛縣人嘉靖鄉薦授涪州知州居官以明
廉著聲采木之役事集而民無重累以憂歸起補廣安
州過涪涪人率婦子逆於河澚爭饋食頓顙稱祝乃去
未幾升南甯府同知益自刻勵土官承襲分例盡卻之
會討安南毛伯溫爲帥嘗召入幕府計事多采用已而
安南降奪國號貶爲都統司功狀上以與有勞擢南京
刑部員外郎歸田二十餘年卒

人物志

朱源字本深贛縣人宋孝子壽昌之裔飭躬篤行教授
閭里王守仁作興社學以耆儒禮之命源率所教童子

入射圃歌詩演禮郡邑亦重其人歲與賓席年九十有

七卒

人物志

李涑字源甫零都人生而穎異居貧刻苦有志王守仁之學隆慶進士授寶應令寶應故水鄉會大水田廬蕩析涑自攜蔬糲循行阡陌勸其墾闢疏淪矛遺賴以生活召拜戶科給事中張居正不喪父而充大婚冊使因抗疏言此大典奈何以屬新喪令輟哭將事乎疏入居正恚甚然不能難也尋復上言四方水旱不宜令尚方鉤盾諸臣作淫巧以損儉德出爲山東僉事再遷廣西參議進副使整飭蘇松四郡兵事著經賦一書欺隱飛灑之弊盡爲搜剔超拜中丞撫江南先後在吳五年所御一冠一衿一布被不更置有城工羨五千緡爲吏乾

沒而守不察因上其事涑詰守守強項藉口他事以自
解守量移而涑亦予告還旣歸月會邑中同志講明良
知之旨後起撫保定不就所著有養愚先生集

人物志

胡夷簡字近道會昌人師事吉水羅洪先過雩都又握
衣何廷仁黃宏綱之門嘗曰克念作聖惟此志耳羅以
小友呼之以貢授嘉善主簿清修自勵勤於職業遷令
長樂均賦興學士民愛戴之升賓州知州不赴

人物志

劉壽仁長甯人隆慶閒由貢授黃梅縣司訓倦游還家
值縣治初建百凡區畫縣大夫常就問焉縣志又出其
手爲人剛介不苟徇俗鄉閭推重之

人物志

劉思誨字忠甫贛縣人萬厯進士授臨淮知縣招撫流
移墾荒田若干頃柳溝田水衝沙壓額徵如故思誨請

於上官折半徵收因以所墾荒田補正額濠梁紅心二
驛先時取十七州縣富民僉充馬遞驛卒其後專責臨
淮逃亡幾半思誨乃覈徵商稅羨以足馬值發倉儲息
粒以糴驛卒因條爲例築驛前高岡柳隄彌望數里升
御史與楊漣鄒元標葉向高議相合時魏忠賢竊政思
誨謂中旨頻宣非所以安元輔請以票擬屬閣臣元標
以廷杖幾死筋骨拘攣不宜責以拜起疏出人人危之
巡按順永保河升大理丞忠賢以前疏故降三級調外
崇禎元年召復原官知交無援者竟以寺丞終

人物志

謝萬榴贛縣人拙履爲業足不入城親在勉力以供菽
水親亡廬墓無舍可居以蓬爲蔽邑大夫胡如孟訪問
不知所對第涕泣頓顙謝大夫感其真誠慰勞而去舉

孝行叩頭請曰草野所爲敢瀆聞官府乎不受尺布斗

粟之賜

安志謝志舊案安志孝義傳尚有贛縣劉子

汝祥信豐馬驥李元祺龍南徐仲真會昌歐子復安遠杜豪俱以爲行稱附錄於此

甘士价字維藩信豐人萬歷進士初令黟縣以廉能調

丹陽入爲御史和衷一疏大爲中外所推比閱三關勵

將飭戎鑿鑿皆碩畫巡按三吳進大理卿巡撫兩浙以

釐奸興利爲己任濟南湖以疏水利警游徼以靖採瓦

裁濫充以省浮費清餉羨以飽營兵戊申稽天之浸二

百年所未有者疏留百萬漕糧貯發常平所存活不啻

億萬召入爲大理卿方候代而卒

人物志

李一松字茂甫雩都人積學善屬文萬歷壬辰選貢以

親老絕意仕進依依膝下如嬰兒弟一柏出入必偕甘

苦共之孝友之風間里歎慕李養愚講學羅巖一松師

事之卒配祀養愚祠

府志

郭咸和字尚大贛縣人與兄咸雍咸熙咸治稱四咸萬
厯戊子舉人令海豐海豐巖徼多盜咸和強力嚴明捕
得盜魁二人伏於庭問以欲死欲生皆號哭乞命咸和
曰若能使徒黨歸投當貰汝盜許諾卽縱之去翼日復
來述其黨內嚮無異志咸和單騎入賊巢諭撫之邑士
大夫聞之皆爲令危而羣賊則已襁負扶攜望馬首羅
拜稱死罪乃令各陳所業立編冊以區置之有自陳欲
爲儒者設義學課之書升廣州通守罷歸而歿

府志

黃大節字斯立信豐人萬厯進士授太常博士儲位久

虛大節上疏言頃者奉聖旨俱不必封少俟二三年中

宮無出再行冊立夫寢並封則三皇子之名號不至混而無別俟至二三年則冊立之典又非杳然無期然而在廷之臣紛紛籍籍焦心蒿目者謂皇長子有生之日業已祭告郊廟覃恩兆庶儼然以主鬯居之不當一旦抑在王位苟儲宮定矣則皇第三子五子俱從冊立之吉同日而封可也別日卜吉而封可也以首重在建儲而分封可次第舉也今但寢並封而皇儲未定是始假封王以陰奪元子之尊而終藉寢封以陽塞言者之路恐諸臣所以議不宜封之意不如是也又謂我朝家法原無待嫡之規蓋所重在早定國本以計安宗社不容一日少緩何嘗姑待之而限以年也今日之首務惟割帷房之牽制屏羣小之譏邪勿以私昵戕天性勿以小

隙開大罅防微杜漸思遠慮深在皇上之早自悟耳臣
備員太常與聞典禮故不敢避忌諱妄效狂愚疏上舉
朝震懾未幾以禮部出爲浙江副使憂歸起湖廣不赴

年七十一終

府志

盧觀象字子占贛縣人萬厯選貢授官河間通判天啟
閒上屯政條議擢同知左光斗巡撫南畿議復汪應蛟
所創屯田觀象力贊之璫禍起引退歸及贛州旣破語
其友月世光曰吾池止水與君同盟具衣冠北向拜子
芄等全家四十餘口先赴池死隨從容與世光相揖投
水卒觀象文吏習兵事嘗舞刀已卽懸腕作書尤善治
賓客在官時三夷國使臣入境觀象爲之主依周禮稍
緣飾無不如儀夷使咸悅賦詩別去

國朝賜諡節愍

府志 勝朝
殉節諸臣錄

月世光字九照贛縣人萬厯選貢授萬州通判棄歸贛
州不守世光攜幼孫過盧觀象同赴池死時年九十二

國朝入祀忠義祠

府志 勝朝
殉節諸臣錄

謝讚字謙吾贛縣人天啟貢生官南康教諭擢馬平知
縣不就贛潰與子允繡從子允斗具衣冠拜哭闔室殉
難

國朝入祀忠義祠

府志 勝朝
殉節諸臣錄

劉曰佺字勿仙贛縣人御史思誨之子崇禎壬午舉於
鄉甲申之變與仲弟价慷慨自誓以死報國及吉安失
守時江西郡縣僅存一贛州曰佺與楊萬諸公共圖固
守城破被執死之子良竑亦被殺母黃妻謝婦周俱赴

池水死弟婦曾姪良翊俱投井死弟婦宋自縊於樓惟
弟价竄伏得免尋以哭母兄而亡

國朝入祀忠義祠

人物志 勝朝
殉節諸臣錄

李田字見龍興國人崇禎歲貢泰和教諭遷長樂知縣
有土賊久爲民害密請官兵勦捕奸民漏師期賊先發
攻城田被執曰甯殺我無濫及赤子刺指血題詩曰有
生皆有死死亦何足惜只會一卷書何堪萬人敵體虧
親受辱身殞節自植寄語千秋史爲子顯心蹟田在官
刻意撫循百姓愛戴倉卒時民爭護其家屬以免復助
資得歸

國朝賜諡節愍

府志 勝朝
殉節諸臣錄

廖汝鍵

一作汝健

定南人廣信訓導黃道周督師委汝鍵戰

守貴溪城破被執死

國朝入祀忠義祠

府志諸臣錄

賴大雅

一作天羅

贛州人弋陽教諭崇禎十六年賊陷城被

脅不屈罵賊遇害

國朝入祀忠義祠

府志諸臣錄

楊萬言字獻可營縣人貢生貧而好學恆拾地莧作食

贛亡率妻王及三子同赴池死

國朝入祀忠義祠

府志諸臣錄

孫經世字九雲贛縣人貢生父蘭官驍騎將軍經世以

母喪未授官贛州圍急士紳多逸經世顧弟緯世絃世

曰吾家世受國恩逃竄非宜舉火自焚緯世妻蔡首觸

姑柩不死遂與絃妻王率家人赴池水死

國朝入祀忠義祠

府志 勝朝殉節諸臣錄

徐餘慶贛縣人贛亡率家屬十餘赴祥應坊塘中死

國朝入祀忠義祠

府志 勝朝殉節諸臣錄

郭其昌字文欽贛縣人諸生三歲喪母及就傅傷未識母孺母像置塾中朝夕拜跪避亂山中事既急賦絕命辭有濺血忠魂洒一城語捧母像絕粒死妻范號泣三日撫棺以殉

國朝入祀忠義祠

府志 勝朝殉節諸臣錄

聶邦晟字時卿贛縣人少習韜略善騎射崇禎間授湯陰主簿從經略盧象昇軍有贊畫功加州判以憂歸歸撫萬元吉召爲監軍城潰同次子士濂死妻劉幼子士渙闔門百餘人並殉

國朝入祀忠義祠

府志 勝朝
殉節諸臣錄

董纘卿

一作董

贛縣人諸生天錫孫子麟兆薊遼遊擊正

宸薦舉正朝諸生俱殉難

國朝入祀忠義祠

府志 勝朝
殉節諸臣錄

謝明登贛縣人爲郡鄉約聞變語妻楊曰汝年尚壯當
有憐汝者但善撫幼孫楊曰君平日講約何爲此言先
攜孫投井死明登冠服端坐自縊

國朝入祀忠義祠

府志 勝朝
殉節諸臣錄

馮復京贛縣人諸生聞變偕妻張盟洗焚香拜其祖畢
登樓對縊

國朝入祀忠義祠

府志 勝朝
殉節諸臣錄

陽麗天字美中贛縣人孝本十九世孫諸生少以孝聞

就傳常掩卷泣謂一日不見父母余心如裂城潰正衣冠北嚮再拜偕妻鍾攜子赴清水塘死

國朝入祀忠義祠

府志 勝朝 殉節諸臣錄

余學義

一作徐孝義

贛縣人遭變以母老不忍遽死母曰汝

父命名學義何謂也勿以我爲念閉戶自縊學義急救母不復蘇遂赴水死妻鍾曰夫殉母吾何忍獨生自溺死子婦邱攜二子並死

國朝入祀忠義祠

府志 勝朝 殉節諸臣錄

金之杰字元超贛縣衛人諸生遇變入曲巷手刃數人偕妻陳赴水死

國朝入祀忠義祠

府志 勝朝 殉節諸臣錄

國朝

姚士廉字潔如贛縣人先世在明代以軍功得世職士廉有文學爲諸生博覽典籍以詩詞自娛就耕於會昌瑞金之間名其所居曰澹莊莊外十里曰太和嶺山水深靚別構一廬曰賸境藝松數千株度書數千卷廣昌張採慕之結廬偕隱

府志

易學實字去浮雱都人明崇禎鄉舉生八歲父孔贊授以經史皆了了若素習比長力學與瑞金楊以任贛縣劉曰佺曰价友善甲乙之際奉母入山居銓授分宜教諭不赴杜門三十年手鈔困知錄曰宋儒千言萬語綜於整庵三冊年八十三卒有犀崖文集

府志

劉天真字汝迪興國人明貢生官安仁訓導逾年以老謝歸卒年八十五所著有河洛先天圖說先儒所未發

志府

蕭啟文龍南人明末廣寇煽亂啟文倡義勇備戰守順治五年七月賊從泗源攻城啟文率鄉勇從水西小斜嶺鼓噪挑戰賊已陷城啟文復與劉一棟攻城爲賊所得至河西橋奮躍起二人各挾一賊墮水一棟與賊俱溺死啟文順流至青雲閣會昏黑所挾賊已斃啟文登岸復集鄉兵轉戰賊無所掠勢窮遁去

志府

王鼎相字梅巖興國人父貴卿明建甯教諭鼎相少讀書經目不忘甫踰十齡郡試第一督學侯峒曾奇賞之以順治十一年恩貢就試京師尚書杜立德重其名延見加禮當謁選不就家世受易潛精體玩以傳義折衷諸家兼博綜史事上下其是非成敗之蹟著易經集解

史斷各若干卷白號激泉性至孝事其母劉能盡色養
一夕寇至家人走登樓母以年老不及登鼎相走掖母
遂免後母沒厝棺處去寇尤近邨中夜驚鼎相伏柩側
哀號不去以子思軾貴封如其官志

賴方勃字絳侯弟方度字晉公會昌人明兵部職方司
郎中士聖之孫家素封兄弟俱好施砥礪學問方勃長
於詩歌方度熟於史凡處置大事必以古人爲法戊子
兵警脫父於難始從瑞金楊兆鳳學繼事易堂魏禮禮
勉之曰詩文人之緒餘必根柢躬行乃爲有本之學而
躬行又以孝弟爲先歸益砥礪聚友朋於霞綺園日夕
講求四方名士皆至聲譽著於大江左右兄弟年並八
十餘方勃著澹山堂詩集方度著卽岸集季弟方岳字

魯瞻亦有文名

縣志

戴國璜字賜生信豐人歲貢生戊子寇亂叔父爲賊所擄父憂鬱成疾璜時年十八入賊營泣求身代謂吾尚有弟叔父無子乞捨之情詞悽切賊義而兩釋焉其子士升爲諸生亦善事母

府志

孫麟貴字廣成贛縣人父經世死丙戌之難闔室俱殉麟貴甫數齡爲副總兵楊繼所得愛其聰慧撫之如子博通文籍以才名爲當途賓禮御史筮重光甚器之年將艾始膺康熙鄉薦官清江學諭擢陝西崇信知縣以清勤著聲

上征噶爾丹有解馬功

賜麟服一襲引退歸續修郡志卒年八十

伯志

許貞贛縣人原籍福建海澄爲鄭氏裨將康熙三年來
歸授左都督屯田贛縣十三年三藩叛耿精忠以僞劄
招貞貞首於巡撫白色純上其事於簡親王王深嘉之
時吳三桂踞湖南遣僞將高得捷襲吉安頻陷贛州屬
邑尚之信通於三桂亦遣嚴自明爲僞都統將虔嶺官
軍逆擊之失利自明遂約得捷夾攻贛貞自屯所率藤
牌軍四百赴援敗賊於黃坊斬級數千復與部將許盛
夜率五百人穴地出城潛渡江遠自明營後大呼殺賊
賊驚亂不戰潰遂復南安閩賊賈振魯陷石城圍甯都
貞與鎮帥劉進寶敗之前營遊擊管天祥亦領兵至遂
復石城解甯都圍招撫諸寨出難民二萬餘人敘功加
太子少保簡親王飛檄召貞以總兵轄湖東三郡復撫

州建昌及移征廣信而建昌復爲賊據王追貞還貞日夜馳二百里抵建昌賊偵知貞至遂棄城走麻姑諸山王趣進兵貞曰兵一晝夜行二百里力疲矣休息乃可小醜不足慮也賊晝夜設防爲戰具以待及數日見無進兵意備稍懈貞於半夜傳令蓐食五鼓出城及曙薄麻姑山賊巢賊倉卒逃竄一日破六十餘寨積屍滿山谷方貞出時未啟王知及午凱歸王親迎十餘里乃散俘獲任其歸田欲就伍者聽進劄廣信同浙兵破八礮等巢建昌人士感貞深立廟置田祀之西門外前後克復十數城所殺降不可勝計擢提督先轄六郡後改全省予世職騎都尉兼一雲騎尉注入贛州衛准襲三次調廣東提督三十四年卒乾隆中

特

子雲騎尉世襲罔替

府本傳

許盛贛縣人原籍福建同安從總兵許貞來歸安置贛州屯墾三藩叛聞賊賈振魯圍石城巡道王紫綬薦盛禦賊復二縣征石哈有功補南贛鎮右營遊擊平會昌瑞金諸賊僞將嚴自明犯南康立木柵堅守盛穴地出直搗其柵焚之改中軍遊擊征上猶賊復南安招降嚴自明討韓大任攻弔峯老虎諸山屢捷進右都督尋轉左都督復出兵攻崖石賊降逆首朱明收萬餘人授騎都尉世職移鎮襄陽營卒夏逢龍叛盛入武昌諭之不從身被四箭爲所縛逸歸移鎮宣府尋被劾罷去府志曹建龍字麗天贛縣人其先遵化籍三藩之亂拔身行閒從討會昌賊授把總勦龍泉定南龍南諸賊皆有功

從援信豐斬僞將張茂調赴南康縣堵禦粵賊進千總
從遊擊李恢招撫楊夢月等別領軍擊南雄賊走之從
勦甯都擢守備進都司僉書福建興化遊擊未幾調守
銅山加都督僉事官軍征臺灣檄建龍運糧累遷杭州
水師副將整飭紀律調和滿漢兵以憂歸服闋補袁州
副將革歷年侵糧之弊終南瑞鎮總兵同時曹世瓊曹
成章長甯人皆從征三藩立功世瓊官杭州副將擢浙
東總兵成章官廣東叅將擢碭石鎮總兵

府志

廖鐸字天木安遠人諸生倜儻有奇節康熙甲寅閩僞
將陳達先自會昌犯縣界鐸與鍾元聲謁知縣陸篋陳
方略集鄉勇六千人屯界內鐸甥鍾大德戰死鐸裂眦
奮呼衝賊巢奪尸還築柵堅守十日夜不解甲賊遁

府志

藍子明明末自郴連聞避亂僑居興國遂爲興國人康熙甲寅韓大任據吉安邨鄱被掠無甯字子明禦賊輒勝於是白石密石竹管峒楓邊箬坑皆連結保聚推子明爲長擊賊於迴龍嶂其子死焉同伍以告子明不應戰愈力賊退知縣黃惟桂聞而嘉之後寇警惟桂每登城北望歎曰寶城鄉有藍山民在隱若一敵國矣志林黃天棟長甯人魁梧多力僞將朱明踞崖石寨天棟夜率壯士緣崖劫其營斬巡邏者遂運薪草於賊寨縱火焚之賊見火光起拔寨走天棟率兵躡其後斬賊無算賊計窮納款天棟以功授廣東水師營副將晉總兵志縣邱蒸字聖與甯都人諸生工騎射康熙十三年三藩亂流寇擾虔南蒸率鄉丁謁總兵哲爾肯陳機宜奇之命

隨副將許盛平南安復潭鋪乘勝勦零都固院賊殄其
眾十六年閩逆自汀陷會昌瑞金蒸招降僞總兵楊夢
月等遂復二邑興國賊朱明負固六載蒸獻計出奇兵
絕其餉道並火其寨明懼率眾降以功授守備辭歸奉
母遂不出志

鍾科元定南人以勁勇入伍康熙己未隨哲爾肯入廣
西授把總辛酉秋鎮安府土賊沈紹基等亂科元冒矢
石直抵其巢獲渠魁升上思營千總上思州界連十萬
山賊眾蹂躪邊民逃亡過半科元奉檄剿之屢有功以
積俸擢福建守備志

李武發字繼文信豐人諸生康熙丙辰避寇流水寨賊
攻之急武發力竭被創賊劫其父去武發強起號哭隨

之乞以身代賊不許復刺中其目血被體仍挽抱不置
賊義而釋之乃挈其弟去武發罄囊赴賊營哀泣贖歸
後析產弟以所分產償前贖金武發不受及卒知縣黃
之徵銘其墓

縣志

王宣卿雩都人徙居贛縣自其祖勇樂生三子孫曾繁
衍至宣卿七世羣從子姓幾二百人未嘗析箸設家長
以督諸務門內外一稟承焉閨中婦女亦雍睦和好雩
都易學實署其門曰仁讓德門同縣羅崇儒亦七世同
居一家百餘人

府志

劉主鎮字永一贛縣人年十二值歲饑糧絕走數十里
外負米以奉其親康熙中三藩叛寇盜充斥眾避之皆
閒一夕砦爲賊破主鎮扶父急奔復奮身負母逸誤陷

賊伏踏鐵蒺藜穿透足背倚崖壁拔之踵血淋漓賊追及乞以身代賊委之而去親卒哀毀骨立

府志

戴國甯字伯靜信豐人性至孝丙辰避亂山中父病思鹿肉時山中多盜國甯不顧竟入山捕鹿弗獲晨夕悲號忽一日眾犬逐鹿至乃執而烹之以進其父病遂愈人以爲孝感

府志

王思軾字小坡興國人父鼎相以孝聞祀鄉賢思軾康熙進士授翰林檢討典順天山東鄉試稱得士累官禮部侍郎爲人謙沖和厚渾然不見圭角立朝數十年清慎自持每班行議事未嘗以辨論爲能遇有不可亦不爲隱忍附會當時皆服其度同治四年祀鄉賢

謝志

尹元貢字種雨雩都人康熙鄉舉性豪放博通羣籍以

屢上春官不第抑鬱憂困悉發於詩有奇氣張尙瑗作
激水志林嘗取其本客吟寶劒篇錄於卷工書不輕作
顧性嗜茗得佳茗酣啜疾書舒卷自如後官房山知縣

一年卒

府志

鍾元聲字聲希越國公紹京之裔貢生官安仁訓導與
贛縣劉曰任甯都曾傳燈有三名士之稱弟元鉉博學

強記積書萬卷嘗築石湖草堂泉石幽邃

府志

黃虞字耕山信豐人拔貢生能文章學宗新安居親喪
不用浮屠嘗遊鴉山遇老人受詩易工詩巡撫朱榮每
稱重之子文汾文澍皆知名文澍字雨田康熙副貢生
官弋陽教諭嘗講學於贛縣冠山以求仁主敬躬行實
踐爲主著書繁夥文汾子世成字培山淹貫經史乾隆

丙辰兵部尙書甘汝來薦舉博學鴻詞以乞假歸未預
試巡撫阿思哈再薦經學辭不赴旋成進士官禮部主

事

府志 鶴
徵後錄

謝克昌定南人明義士謝碧之孫少孤善事母母病臥
數年謹奉湯藥罔懈母年九十餘克昌亦七十餘爲母
進飲食旦夕躬自扶持母嘗止之曰爾亦老矣孫曾可
侍我何自苦爲克昌謂後生恐不周也母卒年九十八
克昌年八十八而終

府志

吳湘皋名人縉以字行會昌人雍正鄉舉官江南知縣
厯權武進宜興江甯補溧水興利除弊並有惠政忤上
官意解任徜徉駱山石臼閒從學甚眾歸里主講濂溪

書院作館誨一篇以勵學者

府志

俞世沛字堯薦信豐人雍正鄉舉工詩古文詞家苦貧好學自若人以疑義相質及求文者無所適莫疊疊不

倦

府志

俞世治字和衷信豐人雍正進士歷兵吏二部主事擢員外郎出爲平陽知府治疑獄多所平反

府志

徐紹洵字二泉贛縣人雍正鄉舉由中書歷官御史授河南汝甯知府信陽羅山二州旱紹洵躬詣勘歷陳災黎疾苦狀大吏以其言入奏發帑賑恤

府志

劉兆清字師夷長甯人直隸布政司理問擢雲南羅平知縣上官立計口銷鹽之法督所屬甚力兆清獨言不便後卒激變而止調直隸定州值川楚用兵力籌供應不以累民四境德之以揭巡道罪謫戍後赦歸

府志

徐成湧字襄熊龍南人諸生家多藏書見聞甚富嘗爲

學宮賦千言典贍高華一時傳誦

府志

黃世成字培山乾隆進士授禮部主事不務躁進窮治諸經剖抉未發之覆爲先達李紱方苞所許可詩古文皆有法度著詩文集五十卷經解八卷偶札四卷耳目志二卷郡中文學必推信豐黃氏

府志

康緒字特觀雩都人乾隆舉人由明通榜選南康縣教諭憂歸起補永甯訓導擢山西孟縣知縣地當孔道往來供應當取辦於民者率厚其值孟有小河夏秋恆漲溢緒捐俸築隄水不爲患斷獄詳慎隨勘隨結民泐碑紀其德乞病歸貧不能行眾醵金贈之

府志

譚垣字桂嶠龍南人乾隆進士選福建政和知縣調鳳

山地處海外生番出沒嘗殺人有仇殺一家九命者亦
詐爲番殺狀以告垣密訪得實置其人於法閩邑稱神
劇賊陳宗寶娶番婦聚黨害民夜疾捕之獲其黨三十
餘人宗寶遁番女有泠泠者十八社之渠也垣以恩結
之泠泠來謁縛宗寶及其妻子至且爲之求生焉許之
發宗寶於仙游驛充役治鳳山三載調至省戒途一月
值土賊黃教亂宗寶亦自配所逃歸據傀儡山肆掠大
吏檄垣回臺泠泠率番兵迎駐左莊獲宗寶甥柯求以
獻宗寶窮憾大呼曰公不去我不敢出今公來吾不能
生見公矣遂自刎黃教旋就擒全臺悉平大吏上其功
擢上洋通判丁艱歸起補河南彰德府通判

府志

謝君穀信豐人幼穎敏潛心理學常靜坐體認良知洞

悉陽明知行合一之旨手錄先正格言成帙增輯四書
註以爲家塾課本登乾隆鄉薦年未四十卽不復上公
車爲文鎔鑄經史卓然成家嘗謂文以行爲本在先誠
其中道勝者文不難而自至敢迪後學學者稱翼齋先

生

府志

黃天策字一峯信豐人拔貢生承家學爲文瑰奇絕特
詩亦清雅乾隆元年巡撫常安薦舉博學鴻詞被放歸
官教諭卒

府志

有劉世基字崧嶽贊人

謹案同時舉鴻詞者尙

府尹陳守創薦擅詩才

府縣志皆不載附識之

何其睿字克思贛縣人乾隆進士

上親閱其文

御筆易定一字置第六改庶吉士散館授編修充武英殿校勘

纂修三禮三值京察皆一等出典貴州試督學雲南總督張允嘗謂學臣能衡文未必愛士能愛士未必飭吏恤民兼之者其審一人而已

府志

管樂字亮揆雋都人乾隆進士官醴泉知縣歲收漕三千石吏多浮取百姓苦之樂躬監視輸米者欣然裹餘糧歸曰此侯賜也調綏甯境有耙冲銅礦屢議開採樂不可謂洗礦水必銹實損田畝力請封禁上官避之改權茶陵地苦瘠歲歉恆仰食常平倉時應碾米三千石遠輸江淮充賑需樂申狀請免再三乃止擢黃州知府著三留說勸民謂息訟留財忍氣留命大量留福也遇獄輒展轉求生厯十餘年決大辟二人去官日民遮道留之

府志

袁嘉德字粹中贛縣人乾隆進士知廣東陽春縣李湖撫粵嘉德陳利弊十餘事湖嘉納之高州遞文報者道出電白陽春閒偶亡去電白令某以疑獲三人坐以謀殺已誣服大府令嘉德會勘乃鞫其文書毀棄之由力辯其誣三人得不死年饑富民閉糶鄉人譁其室富民逐之傷腦後死太守將寬富民罪嘉德爭曰譁者固有罪然傷在腦後是已逃也罪人不拒捕而擅殺惡可寬乎卒抵富民如律調署新會濱海多盜懸重賞購之盜以衰息未幾卒於官弟嘉保字釐東嘉德同榜舉人知雲南恩樂縣有廉聲

府志

賴揚直龍南人武舉以守備調赴雲南有戰績升都勻協都司調赴金川從取噶爾丹寺賊寨擢游擊攻勒烏

賊巢克噶喇布依賊巢前後奪碉寨二十列超等功十
有一逆渠就俘進台拱營參將

府志

宗超海字駿庵贛縣人乾隆鄉舉官廣昌訓導擢湖北
竹谿知縣枝宜教匪起超海練兵日夜守禦獲謀者齊
尙弼等二十六人斬之既賊至屯水坪山聞內應洩不
敢犯援軍既集超海會戰斬賊目陳宗周羅暹等境賴
以全他縣民轉徙入境撫卹周摯以積勞卒於官巡撫
入奏贈同知祀名宦廕一子登軾縣丞

府志

袁烜字庭輝贛縣人乾隆鄉舉官安徽全椒知縣歲旱
於常賑外出俸錢繼之造棺以斂死者表章幽潛扶掖
名教邑貧婦蚤寡編竹覓食其子拾遺金還之烜請於
上官表其閭爲置恆產有少女將嫁而夫死女矢志歸

夫家守節烜聞其姑悍親詣其家呼女出揖之資之食姑畏且感遂善視之歷權滁州和州所至有惠政

府志

鄧元昌字慕濂贛縣人貢生年十五得宋五子書遂屏棄一切以理學爲歸秉性孝友後母年八十寢食不稍離母或不豫必長跪請解長兄目盲事必稟而後行後母生一弟早天使其婦與弟婦共寢處者三年撫其孤如己出有田在城南秋熟視穫貧子有拾穗者招之曰來汝毋然吾教汝讀書能背誦者給汝穀羣兒爭昵就之始使識字既使諷章句既以俚語譬曉之羣兒踴躍受教既卒穫羣兒喟曰穫畢先生且歸奈何有泣者自是每秋穫羣兒輒就學焉城南人無少長智愚皆肅然稱鄧先生市人見元昌來必起立去始就坐其至誠感

人如此

府志 國朝
宋學淵源記

宋昌圖字道原雩都人諸生父啟枚命謁贛縣鄧元昌遂以聖賢可學而至居恆以敬爲主言動必宗禮法終身無倦容嘗爲持敬主一二銘投瑞金羅有高有高素治兵家言昌圖引以見元昌遂棄而學焉昌圖與弟華國光國皆潛心宋五子之學時稱賴邨三宋府志

姚之玠字介文贛縣人諸生性至孝庚辰罹火災與弟之珩趨援其母劉火熾焚死之珩妻劉氏與焉之玠子景謙景謨亦以救母郭死於火及出屍瓦礫中猶見其母子相抱羣屍纍纍然府志

田起龍字雲山龍南人歲貢生任建昌府訓導母以初喪未葬值大水夜半驟至居廬傾頽家人盡登高避起

龍獨抱母棺號慟不去水漂棺幾沒起龍與棺浮沈於巨浸中踰時子姪率鄰人以門渡棺與俱出泊竹林下

日夕守棺不離側葬後始歸

縣志

歐陽向字懿芳龍南人國學生考授州同知嘗聞父病自新興歸過下窖山天已昏黑林中忽有火光導之而行越數十里至佃家始聞咆哮而去乃知爲虎火也抵家父已屬纊向哀號慟哭父忽甦叮囑數語復絕

府志

陳文興興國人諸生值歲饑與父往他郡買米以濟族黨舟次袁州父失足墜水文興躍入救父皆溺死移時抱屍浮出同舟駭異爲運載以歸

縣志

謝朝一贛縣人八齡喪父事寡母能盡孝養母歿不食三日旣葬廬墓朝夕跪哭如嬰兒遇暴風雨侍墓傍夜

則坐以待旦嘗採樵遇虎伏地祝曰予命當汝食可俟
三年喪畢虎掉尾去臥處有大蛇盤伏墓前枯木忽萌
芽苗數十枝咸以爲孝感

府志

宋昌鳳字翽西雩都人副貢生家貧刻苦力學少時讀
書僧舍夜依佛火竊其餘光少長業大進工詩築室頤
巖吟嘯其間與族兄弟昌琚昌悅昌圖華國光國鴻猷
凌霄伴瑩結文社名花萼堂

府志

廖躍池定南人諸生天性肫摯繼母何病瞽躍池率婦
服勞奉養始終罔懈母常語人曰吾目瞽二十餘年不
知所苦也

府志

徐名紱字香珏龍南人嘉慶進士改庶吉士授戶部主
事累官郎中兩充會試同考出爲陝西同州知府護潼

商道有政聲嘗捐金建邑中義倉一鄉稱其善行

府志

黃名濬字睿堂雩都人父歿殯於西郊嘉慶五年七月大水名濬匍匐至殯所防守甚至水旋溢橫決數十里名濬抱柩號泣隨水去俄抵高灘賴漁舟救之起柩亦無損人稱其孝

縣志

李映塘李映池會昌人兄弟俱有至性少失怙母吳氏性最嚴初愛映塘映池有過母撻之映塘曰是非弟之過兒教弟爲之當撻兒後愛映池映塘有過母禁不與食有私與者映塘曰母命不可違也卒不食映池亦不食母命之食乃同食見母怒卽請撻欲順其母也里中人咸樂道之

府志

馬文亮字允安贛縣人贛標中營把總湖北白蓮教匪

起文亮從袁州副將樊雄楚往鄆迭戰於孝感胡家寨
五桂市劉家大灣諸處軍覆刃傷臂脅死所部二百餘
人皆從死同時陣亡者贛州左營千總蕭鵬飛蘇定凱
中營把總朱道勝伍思勝左營把總劉元章後營外委
劉賢貴南安營把總黃超雲事

聞卹廕如例

府志

鍾崇儼字敬亭贛縣人諸生援例授刑部郎中總辦秋
審處值林清亂辨釋株累獲免甚眾擢浙江嘉興知府
革漕弊懲巨蠹嚴坐誣告例平湖富家婦產遺腹子族
人利其貲誣訟之有懷洗冤錄請以滴血驗真僞者崇
儼笑曰婦人不識律汝等父子盍先試以及彼眾慚愕
願罷訟嘗陳弭盜十二事奉檄通行母老乞歸在籍置

義田團練功加二品銜卒年八十一

府志

嚴長宦字榮紳雩都人道光進士廣東知縣歷權豐順
惠來補開建所至有政績以憂歸起補授甘肅秦安知
縣歷權山丹皋蘭擢洮州同知時黑崖寺僧爲亂總督
林則徐檄長宦往治密計除害州人頌之大計卓異歷
權慶陽平涼諸府擢廣西潯州知府未赴卒

府志
縣志

劉德熙字穆士長甯人道光進士改庶吉士散館授湖
南耒陽知縣卒於任德熙才識博達工詩古文邑乘失
修者八十餘年乃搜羅文獻纂輯成帙藏之家後修郡

邑志賴以有徵焉

縣志

畢開琥字虎玉贛縣人贛標後營把總西夷擾粵東戰
於鳳凰岡中礮洞腹死臟腑俱糜爛所佩刀陷肉中時

贛人死事者開琥最烈事問廕一子雲騎尉

府志

義有謝朝賓曾汝宮葉茂然曾世璋曾世迪廖乾弁謝賜廩許蘭吉陳巍崑謝茲廖仁體思明思福思海思遠克庭尙韜葉起鳳廖元耀趙伯奎徐養茂王承語謝賜亨李時我許朝佐徐之亨楊耀乾張二一皆龍南人又范魏卿余國祥羅肇楨凌口章皆長甯人賴士聖劉震王仲錫高崇隆皆會昌人

徐思莊字柳臣龍南人初由拔貢生官戶部主事道光

閒成進士改庶吉士散館授檢討典試山東同考順天

鄉試出知潁州府開濬河道潁人利之尋調安慶擢雲

南迤東道未赴權安徽按察使旋抵雲南本任以籌辦

回匪功升山東按察使捻匪擾境內被議落職旣歸巡

撫張芾檄理團防事平復原官同治四年卒

府志

鍾啟峒字伯平興國人道光進士改翰林院庶吉士散

館授編修咸豐初省親歸里七年入都晉侍講

上書房行走充浙江正考官同治三年丁母憂服闋陝督楊岳斌奏調甘肅勦理軍務五年岳斌出征留啟岫蘭州督標兵以乏餉圍督署啟岫偕其子候選同知祥熙出諭之不聽右營駐華林山亦亂自西城奪門入諸軍遂肆掠啟岫父子死焉族人啟蒞僕歐陽文祿曾宗楊皆從殉

詔賜卹如三品例子世襲騎都尉

府志忠義錄

卓大林贛縣人道光中官浙江金華守備擢温州左營游擊平山賊捕海盜皆有功升甯波參將加副將銜咸豐七年督川浙兵守衢州仙霞關八年調守杭州旋署處州總兵補紹興協副將十年再調杭州以賊退

賞戴花翎十一年杭州陷死之卹廕如例從父世桂戚陳習演

子婦譚氏及大林兩女皆赴水死

府志

王頌三字小華興國人拔貢生授湖北來鳳知縣修復社倉教士有法咸豐十一年粵賊攻城援絕遂陷率家丁彭元巷戰死之事

聞贈知府于世襲雲騎尉原籍及死事處並立專祠

府志

謝效莊信豐人諸生以軍功薦授廣東和平知縣有政聲上官深重之咸豐乙卯權佛山鎮同知時逆賊起粵西效莊奉檄進勦師次潯州與賊戰擒敵甚多其冬追賊於平南縣賊傾巢出眾寡不敵力竭死之事

聞贈知府銜並祀兩粵昭忠祠

府志

胡蓉峯長甯人諸生素仗義爲鄉閭所服咸豐六年土匪盜犯縣蓉峯率數百人馳救圍遂解以功授訓導粵寇

竄至復率團丁防勦與士卒同甘苦屢戰皆捷十年追

賊於絲茅塘陷陣死團丁陣亡者八十餘人

府志

廖人俊

一作人傑

字子千贛縣人諸生咸豐六年賊犯郡土

盜蠡應人俊舉團練選五百人親教之大小六十餘戰所向皆捷賊呼爲山豹子奉檄援信豐以八十人破賊數千尋以輕騎探營驟遇伏賊力戰死賊斃其屍從子望齡同殉並祀昭忠祠

府志忠義錄

韓鳳飛興國人咸豐三年賊犯縣境從族人武進士進春禦之比有功轉戰旁郡復雩都廣昌擢千總同治三年調赴饒州擊賊於陶家渡陷陣死之時同邑九品軍功張國任亦與於難事

聞贈卹如例贛州府特建昭忠祠祀鳳飛國任及所部九百餘

人府志
忠義錄

江西通志卷一百六十八